

PREGUNTA DE AER SOBRE O BALANCE ECONÓMICO DO ENTROIDO DE VERÁN E OUTRAS(Rex. Entrada 07.09.2016, 2016-E-RC-13474).

PLENO 08 SEPTIEMBRE 2016. ACTA 0014/2016

O grupo municipal da Agrupación de Electores de Redondela, en base ao artigo 39 do Regulamento Orgánico do Concello de Redondela, presenta a seguintes PREGUNTAS, para a súa contestación no vindeiro Pleno Ordinario.

O pasado sábado 20 de agosto celebrouse un ano máis o Entroido de Verán de Redondela. Do mesmo xeito, o pasado día 9 de agosto de 2016 a presente Agrupación preguntou por rexistro unha serie de cuestións respecto ao Entroido de Verán 2016 que non foron contestadas a día de hoxe. Tendo ademais en conta as intencións manifestas polo concelleiro de Cultura, que renuncia neste pleno seu cargo, trala pasada edición de reformular este evento de cara a melloralo.

Unha vez examinada a seguinte documentación:

- Bases reguladoras e normas para a instalación barras exteriores nas terrazas dos establecementos de hostalaría e postos para venda de comidas durante o Entroido de verán.
- Bases reguladoras para a instalación barras polos establecementos de hostalaría no recinto da festa do Entroido de Verán.

E unha vez observado o resultado do evento celebrado ao longo do pasado 20 de agosto e da madrugada do día 21.

En virtude do anteriormente exposto, realizamos as seguintes preguntas:

1. Sobre o balance económico do Entroido de Verán.

Cal é o orzamento correspondente ao Entroido de Verán, detallando ingresos, financiación, axudas a recibir, doazóns, aportación pública, como gastos en loxística, actos programados, seguridade contratada, seguros, custe das forzas públicas e de protección civil asignadas ao evento, publicidade e difusión, etc? Poderían detallar os seguintes conceptos:

- Ingresos e gastos reais da edición 2016 do Entroido de Verán, incluíndo o Convenio coa Asociación de Empresarios de Redondela.
- Gastos do Entroido de Verán 2016 que asume o Concello de Redondela.
- Gastos do Entroido de Verán 2016 que asume a Asociación de Empresarios de Redondela como colaborador manifesto.
- Detalle dos ingresos debidos ás barras e á publicidade, que entidade cobrou ese importes e que gastos se finanza cos ingresos de barras e publicidade?

A concelleira AMOEDO DASILVA di que como se dixo na comisión, están no proceso de contabilización de gastos, cando teñan datos se lle dará de xeito exhaustivo.

2. Sobre a relación do Concello de Redondela coa Asociación de Empresarios de Redondela no referente ao Entroido de Verán.

Poderíannos proporcionar copia escrita do convenio existente asinado entre o Concello de Redondela e a Asociación de Empresarios de Redondela para a coorganización do Entroido de Verán 2016?

A concelleira AMOEDO DASILVA di que a colaboración coa asociación de empresarios non está por escrito, non hai convenio.

3. Sobre a ocupación de espazo público coas barras no Entroido de Verán.

En virtude de que normativa ou ordenanza se atribúe a regulación da ocupación de espazo público a unha asociación privada allea ao Concello para o Entroido de Verán, que se establecen diferentes cotas a hostaleiros de Redondela por ocupación de espazo público durante o Entroido de Verán e por que a unhas empresas se lles require para a instalación de posto no Entroido de Verán, acreditar o pago do último recibo de autónomos, alta no IAE e estar en posesión de manipulador de alimentos, quedando eximidas as empresas socias da asociación entidade privada sectorial?

A concelleira AMOEDO DASILVA di que a colaboración coa asociación de empresarios non está por escrito, non hai convenio.

4. Sobre o “Comité Organizador” do Entroido de Verán.

Quen é o “comité organizador” do Entroido de Verán que decide sobre a “PROGRAMACIÓN DE ACTIVIDADES” e sobre o “PROCEDEMENTO DE ADMINISIÓN DE SOLICITUDES” de instalación de barras, que ademais avaliou as solicitudes presentadas? Quen é/son o/os representante/s do Concello dentro do “comité organizador”?

A concelleira AMOEDO DASILVA di que forman parte do comité organizador representantes do concello e a asociación de empresarios e, segundo as necesidades e temas que se falen, os concelleiros que teñan esas competencias delegadas, que son: eventos, interior e seguridade e, vías e obras.

5. Sobre a programación e as actividades ligadas ao Entroido de Verán.

Que criterios artísticos e culturais se seguiron para contratar as actuacións programadas no campo da feira e como se actuou de cara a situación repetitiva de “botellón descontrolado” que se viviu dende a Alameda ata o Paseo da Xunqueira, pasando pola zona antiga de Redondela favorecido claramente pola decisión de Alcaldía de suspender provisionalmente ata as 4h do día 21.08.2016 o cumprimento dos obxectivos de calidade acústica no centro urbano da vila de Redondela?

A concelleira AMOEDO DASILVA di que o entroido de verán atrae a moita xente a Redondela, o goberno intenta controlar máis esta situación no entorno da Alameda. Houbo aumento de seguridade e baños públicos. As medidas o decidiu o goberno en base á necesidade e o tipo de público que acude ás festas.